



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Danck vnd Denckzahl Deß Achten gegen dem Drey/ Das  
ist: Ein kleine Schluß-Predig/ so in der Octav deß  
Solennen Danck-Fests zu der Allerheiligsten  
Dreyfaltigkeit/ Mitten in der Statt Wienn auff ...**

**Abraham <a Sancta Clara>**

**Saltzburg, 1687**

Auffgerichte Statuen zu Wienn.

**urn:nbn:de:hbz:466:1-36343**

zum andernmahl an sie die Auffgab der Statt fordern/ so ihme aber mehrmahlen mit gleichem Schimpff begegneten / er werde in die Statt nit hinein kommen / so lang die Krump und Blinde bey ihm seynd; So so Krump! Abulensis vermerckt in disen verknipfften Worten ein verborgnes Geheimnuß / vnd spricht / daß die Jebusæer vor ihrem Vrincipal-Statt-Thor zwey stainene Bildnussen haben gehabt / eine war die Bildnuß des Patriarchen Isaac / so da blind ware / die andere die Bildnuß des Patriarchen Jacob / welcher krump ware / auff dise zwey auffgerichtete Statuen vnd Bildnussen haben sich die Jebusæer dergestalten hefftig vnd kräftig verlassen / daß sie vermaint / durch sie vor allem Feind frey vnd vnbeirangt zu bleiben.

Besser vnd abermahl besser kan ich den Todt / vnd zwar den Pestilenzischen Todt / disen grossen Feind also anreden / non ingredieris, du wirst nicht mehr in die Statt Wienn herein kommen / nit mehr / nit mehr / dann wir vns auff zwey schöne vnd stattliche auffgerichtete Bildnuß-Saulen verlassen / eine ist auff diesem gegenwertigen Platz mit Nahmen Graben / vnd jaiget vns die Abbildung der Alletheiligsten Dreyfaltigkeit; Die andere ist auff einem andern Platz allhier / Nahmens am Hoff / vnd weist vns die Abbildung der vnbesleckten Mutter Gottes; Auff dise zwey herzlich erbaute Gelübde-Saulen vnd Bildnussen verlassen wir Wiener vns gänglich; Gott Vatter wird sich hinfüran vnser allzeit erbarmen / vnd **MARJA** / als ein Tochter Gott des Vatters / wird ihn zu solcher stätten Barmherzigkeit bewögen; Gott der Sohn wird sich hinfüran vnser allzeit erbarmen / vnd **MARJA** / als ein Mutter Gott des Sohns / wird ihn zu solcher stätten Barmherzigkeit bewögen; Gott Heiliger Geist wird sich hinfüran vnser allzeit erbarmen / vnd **MARJA** / als ein Gesponß des H. Geists / wird ihn zu solcher stätten Barmherzigkeit bewögen; Die Alletheiligste Dreyfaltigkeit wird sich hinfüran vnser allzeit erbarmen / **MARJA** / als ein gewidmeter Tempel der Alletheiligsten Dreyfaltigkeit / wird sie zu solcher stätten Barmherzigkeit bewögen. Ja vns Wiener werden Drey bey dem Drey von Drey erretten / die drey Erh. Patron Maria / Joseph / Leopoldus bey dem Göttlichen Drey werden mit ihrer Fürbitt / vns die Drey Ubel abwenden / Pest / Hunger / vnd Krieg / das hoffen wir alle zusamen / Amen.

Regis